

**NASIONALE
SENIOR SERTIFIKAAT**

GRAAD 12

SEPTEMBER 2016

EKONOMIE V2

PUNTE: 150

TYD: 2 uur



Hierdie vraestel bestaan uit 12 bladsye.

INSTRUKSIES EN INLIGTING

1. Beantwoord VIER vrae as volg:
AFDELING A: VERPLIGTEND
AFDELING B: Beantwoord enige TWEE van die drie vrae.
AFDELING C: Beantwoord EEN van die twee vrae.
2. Beantwoord slegs die vereiste aantal vrae. Oortollige antwoorde sal NIE nagesien word NIE.
3. Beantwoord vrae in volsinne en die uitleg, inhoud en konteks van jou antwoorde moet voldoen aan die kognitiewe vereistes van die vrae.
4. Nommer die vrae korrek volgens die nommeringstelsel wat in hierdie vraestel gebruik word.
5. Skryf die vraagnommer boaan elke antwoord neer.
6. Lees AL die vrae sorgvuldig deur.
7. Begin ELKE vraag op 'n NUWE bladsy.
8. Laat 2–3 reëls tussen onderafdelings van vrae.
9. Gebruik slegs swart of blou ink.
10. Jy mag 'n nie-programmeerbare sakrekenaar gebruik.
11. Skryf netjies en leesbaar.

AFDELING A (VERPLIGTEND)**VRAAG 1****30 PUNTE – 15 MINUTE**

1.1 Verskeie opsies word as moontlike antwoorde vir die volgende vrae gegee. Kies die mees korrekte antwoord en skryf slegs die letter (A tot C) langs die vraagnommer (1.1.1 tot 1.1.8) in die ANTWOORDEBOEK neer, bv. 1.1.9 C.

1.1.1 Ewewigsprys van 'n produk vind plaas waar ...

- A markaanbod van 'n produk hoër is as markaanvraag.
- B hoeveelheid aangevra gelyk is aan die hoeveelheid aangebied.
- C marginale koste groter is as marginale inkomste.

1.1.2 'n Oorsaak vir onvolmaakte mededinging is ...

- A vryheid tot toetrede.
- B advertensies.
- C verkoop van identiese produkte.

1.1.3 Sosiale voordele wat private voordele oorskry, is 'n kenmerk van ... goedere.

- A openbare
- B nie-meriete
- C primêre

1.1.4 Toerisme het die grootste impak op die ... industrie.

- A vervaardigings-
- B konstruksie
- C dienslewering-

1.1.5 'n Soort inflasie wat produkte met kwesbare pryse uitsluit, staan bekend as ...

- A stagflasie.
- B deflasie.
- C kern-inflasie.

1.1.6 Monopolisties kompeterende markte maak slegs ... op die korttermyn.

- A ekonomiese wins
- B normale wins
- C ekonomiese verlies

1.1.7 'n Styging in die prys van petrol het ... uitwerking op toerisme.

- A 'n positiewe
- B 'n negatiewe
- C geen

1.1.8 Rioolstorting kan gesien word as 'n voorbeeld van ...

- A waterbesoedeling.
- B grondbesoedeling.
- C lugbesoedeling.

(8 x 2) (16)

1.2 Kies 'n omskrywing in KOLOM B wat pas by 'n begrip in KOLOM. Skryf slegs die letter (A tot I) langs die vraagnommer (1.2.1 tot 1.2.8) in die ANTWOORDEBOEK neer, byvoorbeeld 1.2.9 J.

KOLOM A	KOLOM B
1.2.1 Eksternaliteit	A meet die veranderinge in pryse van alle finale goedere en dienste wat in 'n spesifieke jaar geproduseer word
1.2.2 Wins-maksimering	B stel afval aan die omgewing bekend
1.2.3 Mededingings-tribunaal	C buitelanders wat Suid-Afrika besoek
1.2.4 SAUK (SABC)	D aktiwiteite van toeriste wat kunsgalerye, museums en ook feeste besoek
1.2.5 Alles insluitende inflasie	E gemiddelde koste van besigheid is meer as die markprys
1.2.6 Inkomende toerisme	F gebeur waar marginale koste die marginale inkome sny
1.2.7 Besoedeling	G kostes of voordele wat 'n party beïnvloed wat nie betrokke is by 'n ekonomiese aktiwiteit nie
1.2.8 Kulturele toerisme	H toegang word deur lisensiëring beperk
	I aanvaar of verhoed groot samesmeltings

(8 x 1) (8)

1.3 Gee EEN begrip vir elk van die volgende omskrywings. Skryf slegs die begrip langs die vraagnommer (1.3.1 tot 1.3.6) in die ANTWOORDEBOEK neer.

1.3.1 Natuurlike hulpbronne wat vervang of herskep kan word

1.3.2 Suid-Afrikaners wat binne Suid-Afrika reis

1.3.3 'n Aanhoudende daling in die algemene prysvlak

1.3.4 'n Situasië waar hulpbronne nie toegeken kan word om 'n persoon/groep beter daaraan toe te maak, sonder om 'n ander persoon/groep slegter daaraan toe te maak nie

1.3.5 'n Verkoper wat genoeg markkrag het om die prys van 'n produk te beïnvloed

1.3.6 Produkte wat presies dieselfde is in terme van tipe, kwaliteit en voorkoms

(6 x 1) (6)

TOTAAL AFDELING A: 30

AFDELING B

Beantwoord enige TWEE van die drie vrae uit hierdie afdeling in die ANTWOORDEBOEK.


VRAAG 2: MIKRO-EKONOMIE**40 PUNTE – 20 MINUTE**

2.1 Beantwoord die volgende vrae.

2.1.1 Lys enige TWEE soorte subsidies op goedere. (2 x 1) (2)

2.1.2 Wat is die implikasie van 'n individuele onderneming se horisontale vraagkurwe (volmaakte mark), op die prys? (1 x 2) (2)

2.2 Bestudeer die onderstaande grafiek en beantwoord die vrae wat volg.



2.2.1 Identifiseer die maksimum prys vanaf die grafiek. (1)

2.2.2 Watter hoeveelheid sal aangebied word indien die maksimum prys afgedwing word? (1)

2.2.3 Watter rol speel die regering in herverdeling van rykdom? (4)

2.2.4 Hoe sal die maksimum prys die ekonomie beïnvloed? (4)

- 2.3 Bestudeer die onderstaande uittreksel en beantwoord die vrae wat volg.

KOSTEVOORDEEL-ANALISE VAN ENERGIE-DOELTREFFENDHEID IN LAEKOSTE-BEHUISING

Die kostevoordeel-analise was deur die Sentrum vir Energie en Ontwikkeling Navorsing (EDRC) as deel van 'n groter studie oor omgewingsdoeltreffendheid met betrekking tot energie doeltreffendheid by laekoste-behuising gedoen.

Die studie neem die volgende in ag: vyf brandstowwe (elektrisiteit, paraffien, hout, steenkool en gas); inkome groepe tussen R500 en R3000 per maand en drie eindgebruikers (omgewingsverwarming, waterverwarming en beligting).

Ten einde die koste en voordele te ontleed, word stelsel data benodig, bv. patrone van brandstofverbruik, brandstofpryse, sonkrag water verwarmers en kapitale koste.

[Aangepas uit: *energie en ontwikkelingsentrum webtuiste*]

- 2.3.1 Identifiseer 'n koste en 'n voordeel uit bostaande uittreksel. (2 x 1) (2)
- 2.3.2 Verduidelik die konsep van *koste-voordeel analise*. (2)
- 2.3.3 Noem EEN doel van 'n KVA. (2)
- 2.3.4 Hoe hou 'n KVA verband met markmislukking? (4)
- 2.4 Verduidelik volledig TWEE vorme van samespanning. (2 x 4) (8)
- 2.5 Hoe suksesvol is die markkragte om monopolieë te beïnvloed? (8)

[40]

VRAAG 3: KONTEMPORÊRE EKONOMIESE KWESSIES 40 PUNTE – 25 MINUTE

3.1 Beantwoord die volgende vrae.

3.1.1 Noem TWEE redes vir groei in die toerisme sektor. (2 x 1) (2)

3.1.2 Hoe sal die sleutelinsette tot kostedrukinflasie bydra? (1 x 2) (2)

3.2 Bestudeer die onderstaande tabel en beantwoord die vrae wat volg.

Jaar	Gemiddelde Prys van 'n Mandjie Goedere	VPI	Inflasiekoers
2010	R200	100	-----
2011	R214,29	107,1	7,1
2012	R223,41	111,7	4,3
2013	R234,58	117,3	5,0
2014	R248,10	A	6,8

[Bron: Stats SA 2015]

3.2.1 Watter jaar word, volgens die tabel, as die basisjaar beskou? (1)

3.2.2 Watter tendens het die inflasiekoers oor die afgelope drie jaar getoon? (1)

3.2.3 Verduidelik die begrip VPI. (2)

3.2.4 Hoekom verloor mense vertroue in hul geldeenheid tydens hiperinflasie? (2)

3.2.5 Bereken die VPI soos aangedui deur die letter **A**. Toon alle berekeninge. (4)

- 3.3 Bestudeer die onderstaande uittreksel en beantwoord die vrae wat volg.

Suid-Afrikaanse Toerisme (SAT)

Sake-toerisme het toegeneem, veral sedert die totstandkoming van die land se eerste Suid-Afrikaanse Nasionale Konvensie Buro (SANKB), as 'n sake-eenheid onder Suid-Afrikaanse Toerisme (SAT). Gegewe die sterk groeipotensiaal in Afrika, is aan SAT R300 miljoen toegeken om sy markteenwoordigheid in Afrika uit te brei.

SAT se 'Sho't Left' bemarkingsveldtog vir binnelandse toeriste lewer reeds resultate. Dit daag Suid-Afrikaners uit om anders na hulle land te kyk en moedig 'n kultuur van plaaslik reis aan.

Die "It's Here, Vaya Mzansi"-veldtog is 'n industrie-wye projek wat staatmaak op samewerking tussen en 'n vennootskap met die breër industrie, ten einde suksesvol te wees en om plaaslike instansies wat 'ontspannings reise' aanbied, hulle doelwitte te laat bereik.

[Bron: Aangepas uit *toerisme* - www.gov.za]

- 3.3.1 Identifiseer TWEE veldtogte, uit die uittreksel, wat gebruik word om plaaslike toerisme te bevorder. (2 x 1) (2)
- 3.3.2 Verduidelik die konsep toerisme. (2)
- 3.3.3 Watter markstrategie kan Suid-Afrika gebruik om toerisme te verbeter? (2)
- 3.3.4 Hoe sal toerisme die besigheidsektor in jou plaaslike gemeenskap bevoordeel? (4)
- 3.4 Verduidelik enige TWEE oorsake van vraagtrek-inflasie. (2 x 4) (8)
- 3.5 Hoe kan die inheemse kennisstelsels gebruik word om toerisme in Suid-Afrika te bevorder? (4 x 2) (8)

[40]


VRAAG 4: MIKRO-EKONOMIE EN KONTEMPORÊRE EKONOMIESE KWESSIES
40 PUNTE – 20 MINUTE

4.1 Beantwoord die volgende vrae.

4.1.1 Noem enige TWEE kenmerke van monopolistiese mededinging.
(2 x 1) (2)

4.1.2 Waarom is dit belangrik vir toeristebeleide om eko-vriendelike toerisme aan te moedig? (2)

4.2 Bestudeer onderstaande spotprent en antwoord die vrae wat volg.



[Bron: Aangepas uit: polyp.org.uk]


4.2.1 Identifiseer die deel, in die spotprent, wat na ekotoerisme in die spotprent verwys. (2)

4.2.2 Waarom is die groei in die toerisme-industrie problematies vir die omgewing? (2)

4.2.3 Hoe sal toeriste voordeel trek vanuit 'n arm land as 'n vakansiebestemming? (2)

4.2.4 Hoe kan Suid-Afrika, as 'n ontwikkelende land, meer voordeel trek uit internasionale toerisme? (4)

4.3 Bestudeer die grafiek en beantwoord die vrae wat volg.



4.3.1 Identifiseer die markstruktuur wat deur die grafiek voorgestel word. (1)

4.3.2 Teen watter prys sal die besigheid sy produkte verkoop? (1)

4.3.3 Verduidelik kortliks, met 'n rede, die vorm van bostaande vraagkurwe. (4)

4.3.4 Hoe kan firmas produk differensiasie suksesvol gebruik, as 'n vorm van nie-prys mededinging? (4)

4.4 Bespreek enige TWEE gevolge van inflasie. (2 x 4) (8)

4.5 Hoe moedig en ontmoedig die regering eksternaliteite aan? (8)

[40]

TOTAAL AFDELING B: 80

AFDELING C

Beantwoord enige EEN van die twee vrae uit hierdie afdeling in die ANTWOORDEBOEK.

Jou antwoord sal as volg geassesseer word:

STRUKTUUR VAN OPSTEL	PUNTETOEKENNING
Inleiding <ul style="list-style-type: none"> • 'n Goeie begin sal wees om die begrip of sleutelwoord wat in die vraag gebruik word, te definieer • Sluit ander sinne in om die onderwerp te ondersteun. • Moenie enige gedeelte van die vraag in jou inleiding insluit nie • Moenie enige gedeelte van die inleiding in jou inhoud herhaal nie • Vermy om in die inleiding te sê wat jy in die inhoud gaan bespreek. 	Maks. 2
Inhoud Hoofgedeelte: Bespreek in detail/In-diepte bespreking/ Onderzoek/Bespreek krities/Ontleed/Vergelyk/Evalueer/ Onderskei/ Differensieer/Verduidelik/Assesseer/ Debatteer	Maks. 26
Addisionele gedeelte: Gee eie mening/Bespreek krities/Evalueer/Evalueer krities/Teken 'n grafiek en verduidelik/Gebruik die gegewe grafiek en verduidelik/ Voltooi die gegewe grafiek/Bereken/Lei af/Vergelyk/ Verduidelik/Onderskei/Interpreteer/Debatteer kortliks	Maks. 10
Slot <ul style="list-style-type: none"> • Enige toepaslike hoër orde slot wat die volgende behoort in te sluit: • 'n Kort opsomming van wat bespreek is / ontleed sonder om reeds genoemde feite, in die inhoud, te herhaal • 'n Mening of gewaardeerde oordeel oor die bespreekte feite • Addisionele ondersteunende inligting om bespreking te versterk / ontleding • 'n Teenstrydige sienswyse met motivering, indien vereis • Aanbevelings 	Maks. 2
TOTAAL	40

VRAAG 5: MIKRO-EKONOMIE**40 PUNTE – 35 MINUTE**

Markte is een van die kardinale elemente van ons ekonomie. Ekonomie verseker dat ons skaars hulpbronne doeltreffend aangewend word om goedere en dienste te produseer en deur markte te verkoop.

Bespreek die drie korttermyn ewewigsposisies, by volmaakte markte, met behulp van grafieke met volledige byskrifte. (26)

Waarom is ewewigsposisies oor die korttermyn nie volhoubaar oor die langtermyn nie? (10)
[40]

VRAAG 6: KONTEMPORÊRE EKONOMIESE KWESSIES**40 PUNTE – 35 MINUTE**

Kwessies oor die omgewing in vandag se tye is uiters belangrik. Dit raak belangrik vir alle deelnemers in die ekonomie om aan boord te kom en deel te hê aan die volhoubaarheid van die omgewing.

Bespreek openbare sektor beheer as maatreëls om omgewingsvolhoubaarheid te verseker. (26)

Hoe doeltreffend is die Suid-Afrikaanse regering se ingrypings met betrekking tot omgewingsvolhoubaarheid? (10)
[40]

TOTAAL AFDELING C: 40
GROOTTOTAAL: 150

